

## Ilanngussaq 1

### Tusarniaassutitut akissutit suliaqarneq aamma siunnersuut tamanut saqqummiunneqartoq "Qamuteralaat pillugit Ileqqoreqqusaq" pillugu aqqiissutissatut innersuussat

Kommunalbestyrelsen Qamuteralaat pillugit Ileqqoreqqusaq siunnersuut saqqummiussaa sapaatip-akunnerini 8-ni 28.11.2018-imit 23.01.2019-imit tamanut tusarniaassutigineqarpoq. Tusarniaassummut akissutit 10-t piffissaq eqqorlugu tiguneqarput.

Ingerlatsivimmit akissutigineqartoq pingasunut immikkoortunngorlugu agguataarneqarpoq: Tunngavioq, Aqqitassat aamma Allannguuteqanngitsoq

Tunngavioq	Aqqitassat	Allannguuteqanngilaq.
------------	------------	-----------------------

"Tunngavioq tunngasut" pingaaruteqartuupput imaluunniit allannguutaapput annertuut, taakkuuppullu politikikkut oqallisaasinnaasut. "Aqqitassat" iluarsisassaapput annikitsut taavalu "Allannguuteqanngitsumik" allaqqasoqartillugu, allannguisoqassanngilaq imaluunniit aqqitassaqaassanngilaq.

Siunnersuummut atatillugu tusarniaanermi akissuteqaatit taamaallaat oqaaseqatigiiliornermi allannguuteqartitsipput.

## 1. Aalisarnermut, Piniarnermut Nunalerinermullu Naalakkersuisoqarfik, e-maili

### 23.01.2019-imeersoq

- 1.1** Akerliliisup siunnersuutigaa, sumiiffiit immikkut sunnertiasut assigalugit immikkoortut sermersuup eqqaaniittut ilisarnaasorsorneqassasut. Taamaaliornikkut sukut angallattoqarsinnaanersoq sukullu angallattoqassanngitsoq ersarinnerulissaaq.

Ad 1.1

Tunngavioq	Aqqitassat	Allannguuteqanngilaq.
Ingerlatsivimmit isumassarsiaq siunnersuutaasoq tusaatissatut tiguneqarpoq.		

- 1.2** Akerliliisup ukiumi immikkoortut arlallit angallavigeqqusaannginnissat siunnersuutigaa.

Ad 1.2

Tunggaviusoq	Aaqqitassat	Allannguuteqanngilaq.
<p>Immikkut nutaat siunnersuutigineqartut pillugit Pinngortitaleriffiup isumaa tusarniarlugu eqqartueqatigineqarpoq.</p> <p>Pinngortitaleriffimmit immikkoortut nalunaaqutserneqarsimasut qamuteralannit angallavigineqarsinnangitsutut aalajangiiffigineqarnissaat tunngavissaqanngitsoq, taamaattorli immikkoortut marluk angallavigineqaaqusaanngitsutut nalunaaqutserneqartariaqarsoraat. Immikkoortut ataaniittut aappaluttumik nalunaaqutserneqarput.</p>		

## 2. Emil Kallenbach Rasmussen, emaili 23.01.2019-imeersoq

**2.1** Akerliliisoq isumaqarpoq, qamuteralaat pillugit ileqqoreqqusaq pineqartoq pisariaqanngitsoq, kommune qamuteralaat pillugit malittarisassaqaamat 2009-meersumik.

Ad 2.1

Tunggaviusoq	Aaqqitassat	Allannguuteqanngilaq.
<p>Kommunip malittarisassaa 2009-meersoq taamaallaat Nuup illoqarfiani angallannermut atuuppoq. Ullumikkut Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq nunaannarmut tunngatillugu inatsisaavoq atuuttoq.</p>		

**2.2** Akerliliisoq isumaqarpoq, imeqarfiup eqqaani killeqarfiit Nuup eqqaani qamuteralannik angallannermut ajornakusoortitsisartoq, kommuninilu allani imeqarfiup eqqaani killeqarfiit iluini qamuteralannik angallanneq inerteqqutaanani.

2.2 pillugu

Tunggaviusoq	Aaqqitassat	Allannguuteqanngilaq.
<p>Kommunimi imeqarfiup eqqaani killeqarfiit iluarsineqarsinnaanatillu allanngortinneqarsinnaanngillat</p>		

akisussaaffik Namminersorlutik Oqartussaniimmat.

**2.3** Akerliliisoq isumaqarpoq, ileqqoreqqusaq timersortartunik eqquisussaasoq, assersuutigalugu qamuterallattartut, ujakkaartartut, arpattartut, fatbikertartut aamma qaqqamiittartut kikkulluunniit.

Ad 2.3

Tunngaviusoq	Aaqqitassat	Allannguuteqanngilaq.
Ileqqoreqqusaq matumani pineqartoq nunaannarmi, ullumikkut inerteqqutaasumi, angallannissamut ammaassisuuvoq. Ingerlatsiviup ileqqoreqqusaq qanoq ililluni sammisassanut allanut eqquisinnaanersoq paasiuminaatsippaa.		

**2.4** Akerliliisoq akeraliissutsimini naggasiullugu siunnersuutigaa, angallannissamut inerteqqut taamaallaat Nuup timaani Qallussuarmut atuutissasoq. Kangerluup sinnerani qamuterallannik angalasinnaaneq akuerisaassasoq.

Ad 2.4

Tunngaviusoq	Aaqqitassat	Allannguuteqanngilaq.
Ingerlatsivik isumassarsiaq siunnersuutaasoq qujassutigaa. Oqaatigineqareersutut, takuuk Ad 2.2, imeqarfiup eqqaani killeqarfiit kommunimit peerneqarsinnaanngillat. Kangerluup sinnerani kommune ersarissunik najoqqutassaqaarnissaa qulakkeertussaavaa immikkoortullu allanngutsaaliukkat pinngortitamilu mianerisassat illersorlugit.		

### 3. Pinngortitaleriffik, emaili 16.01.2019-imeersoq

**3.1** Akerliliisup kissaatigaa §4 imm. 6 erseqqissarneqassasoq, taamaalilluni nunap naasullu uulianik orsusanillu kuuttoqarnerani ajoquserneqartarnerisa killilersimatinnissaa, ajutoortoqarsimatillugulu piaartumik taakku peerneqartarnissaat.

3.1 pillugu

Tunngaviusoq	Aaqqitassat	Allannguuteqanngilaq.
Ingerlatsivimmit §4 imm. 6 ersarissarneqassaaq aaqqitassartai allannguutigalugit. Nutaaq §: §4 imm. 6. Qamutit motorillit nunaannarmi aserortorpata nunap naasullu uulianik orsusanillu kuuttoqarnerani ajoquserneqannginneranni piaarnerpaamik peerneqassapput. Qamutit motorillit kommunalbestyrelsimit uparuarneqareersut peerneqanngippata qamutit motorillit piginnittumut akiligassanngorlugit namminerlu akisussaaffigisaanik kommunimit peerneqarsinnaapput.		

**3.2** Ameralimmi tutut illersorniarlugit aamma immikkoortut Nunatarsuaq, Austmannadalen, Qarliit Nunaat, Tasia aamma Isortuarsuup angallavigneqaqqusaannginnissaat akeraliisup kissaatigaa.

Ad 3.2

Tunngaviusoq	Aaqqitassat	Allannguuteqanngilaq.
Ingerlatsiviup nunap assingi ilanngussamiittut iluarsissavai, taamaalillutik angallavigneqaqqusaajunnaartillugit.		

**3.3** Akerliliisup siunnersuutigaa, Kangerluarsunnguup naqqata tungaani immikkoortut angallavigineqaqqusaassanngitsut, Pinngortitaleriffik immikkoortumi tassani arlalinnik uuttuuteqaramik mianerisassanik.

Ad 3.3

Tungaviusoq	Aaqqitassat	Allannguuteqanngilaq.
Ingerlatsiviup immikkoortoq angallavigineqarnissaanut inerteqqutaanissaa akuerinngilaa, kangerlummut aqquataamat pingaaruteqartoq. Taamaattorli Ingerlatsiviup siunnersuutigaa, Pinngortitaleriffiup assersuutigalugu qamuterallartartoqatigiit Qamutitut saaffiginnissasoq, ataatsimoorlutillu immikkoortumi ilisarnaasersuissallutik imaluunniit aqquutiliussallutik.		

**3.4** Akerliliisup nunap assingi ilanngussamiittut ersarissarneqarnissaat siunnersuutigaa, taamaalilluni nunap immikkoortui nalunaarsorneqanngitsut angallavigineqaqqusaanngitsutut nalunaarsorneqarniassammata.

Ad 3.4

Tungaviusoq	Aaqqitassat	Allannguuteqanngilaq.
Qularnartoqannginniassammat ingerlatsiviup ilanngussat aqqissussavai.		

**3.5** Akerliliisup uparuarppaa, nunaminertat Austmannadalen, Kangilinguit aamma Ramsareqarfiit marluk Jameson Landimiittut allanngutsaaliukkat pinngortitamilu mianerisassat nalunaarsorneqarsimanngitsut.

Ad 3.5

Tungaviusoq	Aaqqitassat	Allannguuteqanngilaq.
Ingerlatsiviup ilanngussamiittut iluarsissavai immikkoortullu mianerisassat titartarlugit.		

## 4. Aatsitassanut Aqutsisoqarfik, maili 23.01.2019-imeersoq

**4.1** Akerliliisup uparuarppaa, immikkoortuni angallavigineqarsinnaasuni aatsitassarsiornermut akuersissutunik peqartoqarsinnaasoq, angallannermilu akuersissuteqarfiit ataqqineqartassapput, naak aasaanerani sulineq ingerlanneqarnerusaraluartoq. Uani pingaarnertut Qeqertarsuatsiaat eqqaat pineqarpoq.

Ad 4.1

Tungaviusoq	Aaqqitassat	Allannguuteqanngilaq.
Ingerlatsiviup ilanngussani aatsitassarsiornermut akuersissuteqarfiusut nalunaarsussavai.		

## 5. Otto Heilmann, maili 2.12.2018-imeersoq.

**5.1** Akerliliisooq tungaviusumik siunnersuut akeraleraa, pingaartumik imeqarfiup eqqaani killeqarfiit kangerlummut isumannaatsumik angallannissamut akornutaammata.

Ad 5.1

Tunnngaviusoq	Aaqqitassat	Allannguuteqanngilaq.
Ingerlatsiviup akerriliisooq isumaqatigaa, imeqarfiup eqqaani killeqarfiit qamuteralannik angallannermut ajornakusoortitsisarmata. Taamaattorli imeqarfiup eqqaani killeqarfiit Namminersorlutik Oqartussanit akisussaaffigineqarpoq.		

## 6. Qamuteralattartogatiit Qamutit

**6.1** Akerliliisup imeqarfiup eqqaani killeqarfiit isornartorsiutigai, pingaartumik ullumikkut atornerqanngitsut. Immikkoortoq 3 Nuummiit nunaannarmut qamuteralaat aqputaaniippoq. Akerliliisup naleqqussorinngilaa Kommuneqarfik Sermersuup ileqqoreqqusaliornera, Nuummi imeqarfiup eqqaani killeqarfiit pillugit ajornartorsiutit sulii qulaajarneqarsimannnginnerat pillugu.

Ad 6.1

Tunnngaviusoq	Aaqqitassat	Allannguuteqanngilaq.
Imeqarfiup eqqaani killeqarfiit pillugit Ad 5.1. takuuk. Kommune maannakkut ileqqoreqqusaliornissaminut aalajangerneranut pissutaavoq maanna nunaannarmi angallanneq inerteqqutaamat. Ullumikkut malittarisassat Namminersorlutik Oqartussat nalunaarutaanni aalajangersagaapput, taannalu malillugu kommunimi ileqqoreqqusaqanngippat nunaannarmi angallanneq inerteqqutaavoq. Tamatumalu saniatigut ileqqoreqqusaq kommunimut tamarmut atuuppoq. Ingerlatsivimmit Nuummi imeqarfiup eqqaani killeqarfiit aqqiissuteqarfiginiarlugit qamuteralattartogatiinnik, Nukissiorfimmik Naalakkersuisoqarfimmillu oqaloqatigiinnerit ingerlappai.		

## 7. Uka og Valdemar Geisler, Henriette & Øyvind Rosing, Tupaarnaq Rosing Olsen aamma Morten Meldgaard. Maili 23.01.2019-imeersoq.

**7.1** Akerliliisup Kapisillip eqqaani imeqarfiup eqqaani killeqarfimmi "angallavigeqqusaanngitsoq"-mik allagartaqarnera uparuarpa.

Ad 7.1

Tunnngaviusoq	Aaqqitassat	Allannguuteqanngilaq.
Takuuk 5.1		

## 8. Søren Lund. Maili 07.01.2019-imeersoq

**8.1** Akerliliisup Nuup aamma Kapisillit eqqaani imeqarfiup eqqaani killeqarfeqarnera uparuarpa.

Ad 8.1

Tunnngaviusoq	Aaqqitassat	Allannguuteqanngilaq.
Ingerlatsivimmit erseqqissaatigissallugu pingaaruteqarpoq, matumani kommunimi ileqqoreqqusami imeqarfiup eqqaani killeqarfiit pioreersut taamaallaat titartarneqarsimasut. Taakkunanilu imeqarfiup eqqaani killeqarfimmi mingutsitsinnginnissaq pillugu qamuteralannik angallanneq inerteqqutaavoq. Imeqarfiup eqqaani killeqarfiit sutigulluunniit nutaajunngillat imaluunniit annertusineqaratik. Tamatumalu saniatigut Ad 5.1 takuuk.		

## 8.2 Akerliliisup Akiata angallavigineqaqqusaanginnera akerleraa.

Ad 8.2

Tunnngaviusoq	Aaqqitassat	Allannguuteqanngilaq.
Akiata pinngortitaavoq mianerisassaq, kommunimiillu Pinngortitaleriffiup inassuteqaatai malinneqaannarput.		

## 8.3 Akerliliisumit tupigusuutigineqarpoq sooq qamuteralattartoqatigiit ileqqoreqqusap suliarinerani peqataatinneqarsimangimmata.

Ad 8.3

Tunnngaviusoq	Aaqqitassat	Allannguuteqanngilaq.
Qamuteralattartoqatigiit suliami peqataatinneqarput, tamannalu tusarniaanermut akissutaanni aamma ersippoq.		

Tusarniaaffigineqartut 9 aamma 10 tassaapput Peqqissutsimut Naalakkersuisoqarfik aamma Illersornissamut Ministeriaqarfik. Ileqqoreqqusamut oqaaseqaatissaqaratik nalunaaruteqarput.

Inussiarnersumik inuulluaqqusillunga

Sanarfinermut Avatangiisinullu Ingerlatsivik

Illoqarfimmik inerisaanermut immikkoortortaqarfik

